

ODLUKA

**O PRIHVATANJU ZADUŽENJA PO SPORAZUMU O KREDITU IZMEĐU
BOSNE I HERCEGOVINE I UNICREDIT BANK AUSTRIA AG ZA FINANSIRANJE
PROJEKTA IZGRADNJE KANALIZACIJE I VODOSNABDIJEVANJA OPĆINE ČELIĆ**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), Parlament Federacije Bosne i Hercegovine je, na sjednici Predstavničkog doma, održanoj 20.3.2012. godine, i na sjednici Doma naroda, održanoj 2.4. 2012. godine, donio

ODLUKU

O PRIHVATANJU ZADUŽENJA PO SPORAZUMU O KREDITU IZMEĐU BOSNE I HERCEGOVINE I UNICREDIT BANK AUSTRIA AG ZA FINANSIRANJE PROJEKTA IZGRADNJE KANALIZACIJE I VODOSNABDIJEVANJA OPĆINE ČELIĆ

I

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o kreditu između Bosne i Hercegovine i UniCredit Bank Austria AG, u iznosu od 3.111.802,57 EUR-a, za realizaciju Projekta izgradnje kanalizacije i vodosnabdijevanja Općine Čelić.

II

Sredstva kredita iz tačke I ove Odluke koristit će se za finansiranje Projekta izgradnje kanalizacije i vodosnabdijevanja koji je od strateškog značaja za Općinu Čelić. Cilj Projekta je izgradnja kanalizacijskih sistema i postrojenja za tretman otpadnih voda kao i osiguranje i eksploatacija pitke vode u količini koja će trajno i zadovoljavajuće riješiti potrebe cjelokupnog stanovništva na području Općine Čelić.

III

Sredstva kredita iz tačke I ove Odluke, odobravaju se Federaciji pod slijedećim uslovima:

- iznos zajma.....3.111.802,57 EUR
(od toga se otplaćuje dio A 85% kredita u iznosu od 2.645.032,18 EUR-a i dio B 15% grant koji se ne otplaćuje u iznosu od 466.770,39 EUR-a)
- rok otplate..... 11,5 godina
- grace period 1 godina
- kamatna stopa 0,00 %
- otplata 21 polugodišnja rata u jednakim otplatama glavnice
- troškovi garancije 1,345 %
(podržano grantom Ministarstva finansija Austrije u iznosu od 177.878,47 EUR)
- jednokratna administrativna naknada na ukupni iznos zajma 0,05 %
(ne veća od 15.000 EUR-a)
- troškovi za neiskorištena sredstva 0,45% godišnje
(u toku perioda povlačenja sredstava)

IV

Potvrđuje se da je razmatrana dokumentacija prihvatljiva za Federaciju, a posebno :

- Sporazum o kreditu između Bosne i Hercegovine koju zastupa Ministarstvo finansija i trezora i UniCredit Bank Austria AG za Projekt izgradnje kanalizacije i vodosnabdijevanja Općine Čelić.
- Usaglašeni zapisnik sa pregovora

V

Kreditna sredstva iz tačke I. ove Odluke Federacija prenosi na kreditnoj osnovi na dužnike, Tuzlanski kanton (u daljem tekstu: Dužnik 1) i Općinu Čelić (u daljem tekstu: Dužnik 2) i to :

- Dužnik 1 -	1.991.802,57 EUR
- Dužnik 2 -	<u>1.120.000,00 EUR</u>
UKUPNO :	3.111.802,57 EUR

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija da sa Dužnikom 1 i Dužnikom 2 usaglasi i sklopi odgovarajuće Podugovore o kreditu kojim će se u svrhu redovne otplate, definirati uslovi vraćanja sredstava koja se prenose na kreditnoj osnovi.

VII

Daje se saglasnost za zaključivanje Supsidijarnog sporazuma o kreditu između Bosne i Hercegovine i Federacije i Podugovora o kreditu između Federacije i Dužnika 1 i Dužnika 2 za kredit iz tačke I ove Odluke.

Za potpisivanje Supsidijarnog sporazuma i odgovarajućih Podugovora o kreditu ovlašćuje se federalni ministar finansija.

VIII

Za realizaciju ove Odluke i izvještavanje zadužuju se Federalno ministarstvo finansija, Ministarstvo finansija Tuzlanskog kantona, Ministarstvo poljoprivrede, šumarstva i vodoprivrede Tuzlanskog kantona i Općina Čelić, svako u okviru svoje nadležnosti.

IX

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u "Službenim novinama Federacije BiH".

Broj: 01,02 -02-125/12

2. april 2012. godine

S a r a j e v o

PREDSJEDAVALA
DOMA NARODA
PARLAMENTA FEDERACIJE BiH

Karolina Pavlović, prof.

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dr. Denis Zvizdić